

I. KEBAKTIAN

1. JOUJOU TU PARSOMBAON TU DEBATA:

U : Huria ni Tuhanta, sadarion, i ma pesta paduahon mamestahon Parningotan Hatutubu ni Tuhanta Jesus Kristus, alani hupasahat hami ma tu hita saluhutna :
"Selamat Hari Natal".

R : Selamat Hari Natal.

U : Marpungu do hita nuaeng manghamauliatehon balga ni holong ni Debata tu portibi on umbahen na ro Ibana paluahon hita.

R : Mandok mauliate do hami tu Debata, ala ni godang ni asi ni rohaNa di hami; ai dibasabasahon AnakNa na sasada i tu hami na di pardangolan on, asa unang mago, alai asa dapotan hangoluan na salelenglelengna di Ibana.

U : Antong tapahibul ma rohanta manjangkon Ibana tubu di rohanta nang di parsauranta marhite parmingguonta di ombas on. Tapungka ma parsombaonta tu Tuhanta, tapahombar ma ngolunta mandapothon parsauran Nabadia i, marende ma hita :

2. Marende BE. No. 615: 1+3 TARBEGE SURUSURUAN MARENDE

❖ *Tarbege surusuruan marende mansai uli.*

Angka dolok dohot rura, gok do saringar na i.

Reff: Sangap ma sangap ma di Tuhan, sangap ma sangap ma di Tuhan.

❖ *Borhat ma hamu marnida, tu huta Betlehem i, (Jongjong)*

Somba Kristus Sipalua, naimbaru tubu i.

Reff: Sangap ma.....

3. VOTUM - INTROITUS - TANGIANG:

U : Marhitehite Goar ni Debata Ama dohot Goar ni Anakna Tuhan Jesus Kristus dohot Goar i Tondi Parbadia. Amen. Nunga patar hangoluan i, jala nunga huida hami jala nunga huhatindanghon hami dohot hubaritahon hami tu hamu hangoluan na saleleng ni lelengna, na di lambung ni Ama i hian jala naung patar di hami.
Haleluya!

R : *(Mangendehon) Haleluya....Haleluya.....Haleluya...*

U : Martangiang ma hita: Ale Tuhan Debata, Amanami na di banuaginjang. Mandok mauliate do hami tu **Ho**, ala ni godang ni asi dohot holong ni rohaM di hami; ai dibasabasahon Ho do AnakMu na sasada i tu hami na di pardangolan on, asa malua hami marhitehite Ibana sian dosa dohot hamatean saleleng ni lelengna. Hupangido hami tu Ho, sai sondangi ma rohanami na holom i marhitehite Tondi Parbadia i; angkup ni i sai parrohai ma hami, asa huboto hami mandok mauliate tu Ho, asa tarapul situtu rohanami di hagogotan dohot dipangunjunan marhitehite AnakMu, Tuhan Jesus Kristus Tuhannami. Amen. *(Hundul)*

4. Marende BE No. 59: 1 O JESUSHI HUPUJI HO BL. 34

❖ *Jesushi hupuji Ho, dibaen naung gabe jolma Ho
Ditopot Ho do hami on, na dangol di portibi on*

5. PATIK:

U : Tangihon hamu ma Patik ni Debata di Pesta Natal na paduahon on na tarsurat 1 Johannes 4: 16 - 19, Nunga tatanda jala tahaporseai holong ni roha ni Debata di hita. Debata do haholongon i; jala halak na mian di bagasan haholongan, i do na mian di bagasan Debata jala Debata di bagasan ibana.

R : **Disi ma gabe tipak holong ni roha i di bagasan hita, pola marhiras ni roha hita di ari paruhuman i; ai songon Ibana, songoni do nang hita di portibi on.**

U : Ndang adong biar dibagasan holong ni roha i; alai dipabali holong ni roha naung rimpas i do biar i. Ai nabernit do anggo biar; jala ndang rimpas holong ni halak na mabiar. Marroha holong ma hita, ala Ibana jomolo manghaholongi hita. (*Antong rap mangido gogo ma hita tu adopan ni Debata*).

R : **Ale Tuhan Debata Sai Pargogo i ma hami mangulahon na hombar tu PatikMi. Amen.**

6. Marende BE No. 600: 4 DI BORNGIN NA SASADA I

❖ *Hamu angka na loja i jala na sorat i, (Jongjong)
Binaen ni angka dosami dapothon Tuhan i,
Tingganhon hinolsohonmi tu Sipalua i,
Auhon ni endehon ni Suru-suruan i.*

7. MANOPOTI DOSA:

U : Huria ni Tuhanta, na jongjong do hita di adopan ni Debata apala di minggu pesta Natal paduahon sadari on. Dang tagamon so manolsoli hita marningot angka dosanta dohot pangalaosionta di adopan ni Debata, i ma nataula marhite hata dohot pambahenanta di angka na salpu. Antong tatopoti ma dosanta na taulahon di adopan ni Debata dohot dongan jolma, tapamanat ma rohanta jala taparhatopot ma i dibagasan roha na magopu. Ale Tuhan Debata, Amanami, Pargogo na so hatudosan, Parasiroha mida hami na dangol on! Na ro do hami tu joloM manopoti dosanami na godang i. Di bagasan hajahaton do hami tubu jala ndang adong haporseaon di bagasan rohanami hian, saluhut do hami manimbil sian angka dalanMu.

R : **Sian pardangolan angka na bagas do ahu joujou tu Ho, ale Jahowa! Ale Tuhan, sai tangihon ma soarangku, sai patinggil ma pinggolMu tumangihon soara ni anggukhon!**

U : Mansai godang do pangalaosionnami di PatikMu. Alai ingot ma hami, ale Tuhan, ala ni denggan ni basaM dohot asi ni rohaM. Sai unang paingotingot angka dosa ni haposoonnami dohot pangalaosionnami; sai ingot ma hami hombar tu asi ni

rohaM dohot denggan ni basaM ala ni GoarMu. Ale Tuhan Jesus, marpamuati m
rohaM di dosanami na godang i! Amen.

R : Marende BE. No. 421: 1 MARSOMBA AU DIJOLOMON BL. 281

❖ *Marsomba au di joloMon, ponjot, targogot rohangku,
Dibaen godang ni dosangkon, sai jangkon dohot au.
Sai jangkon ma au on, na ramun diringkon,
Tung pos do rohangki di Ho, dijangkon Ho au on.*

U : Tabege ma Hata bagabaga taringot tu hasesaan ni dosa: Songon on d
panghaholongi ni Debata di portibi on, pola do AnakNa na sasada i dilehon, as
unang mago ganup na porsea di Ibana, asa hangoluan na saleleng ni lelengna c
ibana. Hasangapon ma di Debata na di ginjang!

R : Amen!

8. Marende BE No. 53 : 2 "Di Betlehem Do Tubu BL. 51

❖ *Tu holong ni rohaNa, hubonom rohangkon ;
Hulehon di Ibana sude na di au on, Olo, olo, sude na di au on.*

9. EPISTEL:

U : Tabege ma Hata ni Debata turpuk di Minggu Natal paduahon on ima na tarsu
di Galatia 4: 4 – 7. Alai dung dapot gok ni tingkina, disuru Debata ma Anak
tubu sian boruboru, ginomgoman ni patik i;

R : Asa ditobus angka na ginomgoman ni patik i, asa tajalo ruhut paramaon.

U : Alai ala anak hamu, disuru Debata do tu bagasan rohanta Tondi ni Anakna i,
manjoujou: Abba (ale Amang)!

R : Dibahen i, ndang be hatoban ho; tung anak do i. Alai molo anak, laos pane
do ho marhite sian Debata.

U : I do sahatna. Martua ma angka na tumangihon Hata ni Debata, jala na umpeop
Amen

10. Marende BE No. 57: 2 NUNGA JUMPANG MUSE BL. 202

❖ *Beta, ale dongan tu Betlehem i, i tasomba ma Dakdanak na disi. (Jongjong)
Na tinongos ni parasiroha i, Debata Ama i
Reff: Hasangapon di Debata, ~~dame, dame~~ ma di jolma.
Las ni roha ni Debata Hajolmaon muse.*

11. MANGHATINDANGHON HAPORSEAON:

U : Tahatindangkon ma haporseaonta i, songon na hinatindangkon ni dongan
sahaporseaon di sandok portibi on. Rap ma hita mandok:

R : Ahu Porsea..... (Hundul)

12. SUNGGULSUNGGUL + TANGIANG PANGONDIANON

13. Marende BE No. 62: 1-- HALALAS NI ROHA GODANG BL. 172

- ❖ *Halalas ni roha godang, na hubaritahon on.*
Nunga tubu Sipalua di hita jolma on.
Hasangapon di Debata, laos dame, dame, dame ma di jolma.
Lomo ni roha ni Debata do hita jolma on.
- ❖ *Ai saborngin on do binsar bintang di na holom i.*
Sumondangi hagolapon, na di rohanta i.
Reff: Hasangapon di Debata,.....

14. JAMITA: Johannes 3: 14 - 21

15. Marende BE No. 605: 1-2 LAS MA ROHAM (Pel. tu Radlo Bona Pasogit)

- ❖ *Las ma roham Tuhanta ro, gumomgom sasude ungkap roham,*
Jangkon rajam marende ma sude,
Marende ma sude, marende, marende ma sude.
- ❖ *Tano nang laut, harangan i nang awang-awang i,*
Hauma i, nang sunge i, olophon Raja i,
Olophon Raja i, olophon, olophon Raja i.

16. MANGHANGOLUHON NGOLU NA IMBARU : (Jongjong)

- U** : Huria ni Tuhanta, tung pe di bagasan parungkilon hita alani pandemi Covid 19 on, alai tongtong do hita mangolu di bagasan panghirimon, umbahen boi hita nuaeng manghalashon hatutubu ni Tuhan Jesus Kristus i, ala disi ma tarida habasaon dohot habasaron ni Debata, Sipalua hita: Ndada ala ni ulaonta hatigoran, umbahen na dipalua Ibana hita; tung sian asi ni rohaNa do.
- R** : Naung niusehonNa i tu hita buas marhitehite Jesus Kristus, Sipalua hita, asa gabe tigor hita, binahen ni asi ni rohaNa, jala sitean hangoluan salelenglelengna, mangihuthon panghirimon i.
- U** : Haposan do hata i, jala naeng ma gomos hatindanghononmu i dipangido rohangku, asa nasida, na di bagasan Debata, di dapothon do na tiur i, i ma na mangulahon hasintongan i. I ma na uli jala hasea di jolma.
- R** : **(Mangendehon) BE HKBP No. 608: 4 O BETLEHEM NA METMET I**
- ❖ *O Anak na badia i, ro Ho tu hami be, bongoti daging tondi i, parbadiai sude.*
Barita na ummuli, hutangi hami be, sorang ma Ho di ngolungki, ale
Immanuel.

17. TANGIANG PANGUJUNGI:

- Tangiang Pelean: (Agenda HKBP)
- Tangiang Ale Amanami:
- Pasupasu:
- Amen, Amen, Amen